

类证治裁

清林珮琴 编著

钱晓云 校点



治裁

编著

钱晓云 校点



内 容 提 要

本书是对临床有重要指导价值的清代医学名著。问世 100 余年来曾多次印行,影响颇大。鉴于此书已脱销多年,特校点出版。

书共八卷,分门别类,排列了内科杂病以及妇科、外科的各种病症。每一类病,首先概要地论述它的原因和脉证辨治,继即详细分析这一类病中的各个重点证、候,介绍它的治法和方剂。作者身处清代中叶,得以广采各家之长,取材态度相当审慎,并附有医案,提出作者自己的临床心得,所以本书对读者是极切实用的。

类 证 治 裁

[清]林珮琴 编著

钱晓云 校点

上海中医药大学出版社出版发行
(上海零陵路 530 号 邮政编码 200032)

新华书店上海发行所经销

常熟市新骅印刷厂印刷

开本 850×1168 1/32 印张 17.5 字数 487 千字
1997 年 7 月第 1 版 1997 年 7 月第 1 次印刷
印数: 1—3000

ISBN 7-81010-357-1/R.343

定价: 28.30 元

吉 序

先祖大银台渭厓公，于乾隆间奉命总阅四库全书，获见神农以来医家言著录于文渊阁者，九十六部一千八百十有三卷；附存其目者，九十四部六百八十一卷。尝语颖曰：旧史医家多置之简末，今四库全书子部分十四家，儒家第一，兵家第二，法家第三，农家第四，医家第五。医虽一技，民命攸关，其特升诸他艺术上，有以也。渭厓公博涉于阴阳、术数、六壬、声律之书，手录甚夥，独医类无手定本。家传唯先大夫澹松公批订叶氏临证指南，手泽犹新。顾颖卒未能读也。林羲桐先生，嘉庆戊辰举乡魁，墨艺脍炙人口，尤精岐黄家言。贯串于灵枢、素问、难经诸书，以意为变化而不泥于古。著作之暇，以济时为心，士大夫皆礼敬之，余久耳其名。丙戌，余服阕，入都谒部。先生公车北上，相晤于都门，获闻绪论，盛德君子，一望皆知。辛亥春，嗣君筠石茂才，将刊先生所著类证治裁书，而以序嘱余。书凡八卷，外科附焉。别类分门，前列论，方次之，案又次之，殆与沈氏尊生书体例略相近。然详略轻重之际，妙于剪裁，开卷了然，言弥简而法弥备。使夫颖悟之士，既得所范围，中材而下，亦得循涂以赴，学者固当分别以观矣。昔人论难经本义，谓滑寿以文士而精于医，故所著较诸家所得为多。予于先生亦云。筠石嗣其先业，揆度奇恒，无不立效。叩其所学，盖得于是书成法为多。顾不肯私为家传，而公诸同好，其能体先生济时之心者矣。先生所著，有来燕草堂四书文五百余篇，来燕草堂古文二卷，骈体文二卷，高卧楼古今体诗二卷，百鸟诗一卷，诗馀一卷，皆予所服膺者。筠石倘能次第开雕以昭先泽，是又余之厚望也夫。

咸丰元年岁次辛亥孟夏之月赐进士出身诰授奉直大夫四川会
理州知州同里愚弟吉鍾颖顿首拜撰 时年八十有五

自序

司命之难也在识证，识证之难也在辨证。识其为阴为阳，为虚为实，为六淫，为七情，而不同揣合也。辨其在经在络，在腑在脏，在营卫，在筋骨，而非关臆度也。顾脉理易淆，洞垣谁属，赖古作家别类分门，条列治要。且于一证，错综疑似，缕析丝分，参合脉象，详哉言之，仰见心裁独出矣。然不先窥内经奥旨，则皆无本之学也。邃古圣人，尽己性，尽人性，参赞元化，仁寿斯民，其心法备载灵素，各八十一篇。自越人祖述心法，垂为难经；嗣后长沙论伤寒，分究六经；河间治温热，专主三焦；东垣倡益气补中，丹溪创滋阴降火，济偏补缺，要皆上阐经训，下启法门，卓然自成大家。由有明迄今，诸名家亦无不根柢圣经，发挥心得，以著于篇。学者研经，旁及诸家，泛览沉酣，深造自得。久之，源流条贯，自然胸有主裁。第学不博无以通其变，思不精无以烛其微。惟博也故腕妙于应，而生面别开；惟精也故悟彻于元，而重关直辟。平时灼有定见，临证不设成心，诊毕矣审用何法，法合矣选用何方，权衡乎禀之厚薄，病之浅深，治之标本，药之浮沉，及一切正治从治，上取下取，或上病取下，下病取上，或从阴引阳，从阳引阴，必先岁气，毋伐天和。乃知执一者拘，多歧者泛，师心者愎，随俗者庸。至于体贴病情，曲折都尽，刀圭所授，立起沉痾，善矣，若犹未也。一法未合，虽古法宜裁；一方未纯，虽古方宜裁，必吻合而后已。此其难，殆又在识证辨证后乎。乃观近日悬壶家，大率学殖荒芜，心思肤浅，甚则治瘟疫以伤寒法，治血枯以通瘀法；与夫喜行温补，不顾留邪，动辄攻消，不知扶正；轻者重，重者死矣。予思矫而正之。己巳计偕后，归而就馆，

笔墨少闲，爰始蒐辑。丙戌后，又苦南北奔驰。今老矣，分编讨论，惧有遗珠。除伤寒全帙无容赘衍外，余多宗经立论，酌古用方。更欲略辑疡科，兼及幼科，而老病浸寻，来日苦短，缺略之憾，统俟续成。且生平本不业医，间有治案，附于证后，非云程式也，聊存梗概，以寓别裁之微意云尔。编名治裁，愿与有志医学者共裁之。

道光十九年岁次己亥端午日丹阳林珮琴自题

凡 例

一医籍浩如烟海,求其搜罗赅备,分析详明,莫如准绳一书。兹编务期简括,俾观者豁目爽心,故径途各出。

一仲景伤寒,宜参各家辩论。兹但取医学心悟数条,不能备载。

一春温夏热两症,多伏气伤寒,邪从肾出,此即经所云冬伤于寒,春必病温;冬不藏精,春必病温者也。与口鼻吸入之邪,伏于募原,浅深异治,学者当分别观之。

一时疫症,张景岳既失之温补,吴又可又但主急下。张氏医通揭明地气郁蒸一义,最宜参究。

一香岩叶先生所传临症指南,案随诊立,不暇修饰。然如脾脏胃腑,历来混治。先生独因经旨喜燥喜凉,悟出脏主守腑主通二义。论东垣补中益气治在脾,仲景急下存阴治在胃,何等超妙。即如不食一症,粗工但知燥脾,愈燥愈结。先生独议养胃阴,遵治辄验。此类皆素所服膺。

一肝风眩晕,与类中相近,原可并为一门,兹依指南例,另为拈出,意在醒目。

一目喉、乳俱系专科,病症治法繁琐,不能备辑,兹但撮举其要。

一各症宗经立论,酌古用方,列纲分目,皆层层推勘而出。但方中品味,未能一一细心商订,皆垂暮精神不能周浹之故,阅者谅之。

一方名重复者,则不注药味,但书见某卷某症。至于方名同而

药味不同者，则仍载原方。

一外科另属一门，今附论数篇，列于卷末，俾阅者略知要领。

目 录

卷 之 首

内景综要·····	1
-----------	---

卷 之 一

中风 _{真中风 类中风} ·····	5
伤风·····	14
伤寒·····	17
温症 _{附春温 风温 湿温 冬温 温毒} ·····	22
热症·····	34
暑症 _{附冒暑 伤暑 中暑 中暍 夹暑 暑风 暑厥 暑瘵 疰夏 湿温 暑泻} 暑疡 伏暑·····	37
湿症 _{附风湿 湿热 寒湿 暑湿 中湿} ·····	46
燥症·····	53
火症·····	56
疫症 _{附大头瘟 捻颈瘟 瓜瓢瘟 杨梅瘟 疔搭瘟 绞肠瘟 软脚瘟} ·····	62

卷 之 二

虚损·····	72
劳瘵·····	79
咳嗽·····	84
肺痿 肺癰·····	94

失音	97
哮症	101
喘症	104
痰饮	111
血症总论	119
吐血	122
衄血	130
汗症	136
脱症	141

卷 之 三

脾胃	145
饮食	147
呕吐	150
噎膈 反胃	156
关格	162
诸气	164
肝气 肝火 肝风	168
郁症	175
呃逆	180
饧症	184
噎气	185
痞满	187
肿胀	190
积聚	201

卷 之 四

癫狂	201
----	-----

痢症	215
怔忡 惊恐附卑慄	220
烦躁	226
健忘	229
不寐	231
多寐	233
三消	234
黄疸	241
疟症	247
阴疟	253
霍乱	258
泄泻	262
痢症	267

卷 之 五

头风附雷头风	278
疔风附肾脏风 绣球风 雁来风 蛇皮风 鹅掌风 赤白游风、紫白癜风 紫云风 癣疥癩斑①	281
痹症	288
痿症	295
痛风附历节风	300
麻木	303
痉症	306
眩晕	310
厥症	312
脚气	316
鹤膝风附膝游风 膝眼毒 膝痈	321
破伤风附破伤湿 破伤火	324

卷之六

头痛附大头痛 发颐 眉棱骨痛 眼眶痛	328
耳症	331
目症	334
鼻口症	344
齿舌症附牙痛 骨槽风 牙疳 多骨疽	347
喉症附烂喉痧②	351
胸痹	360
心痛附心疝 心痛	363
胃脘痛附胃脘痛	367
胁痛	371
腹痛附腹中窄狭	375
肩背手臂痛	379
腰脊腿足痛附腰痠 腰伛废 腰软 尻 膝 跟	381
身痛	387

卷之七

肠鸣	390
肠痛	391
疝气	393
淋浊	398
遗泄	408
阳痿附丸冷 茎缩 茎纵 强中 下疳	412
畜血	415
溺血	416
便血附肠风脏毒	417
二便不通	421

闭癰遗溺附胞痹	427
转胞交肠	432
脱肛附肛头痒痛	434
痔漏附耳痔 鼻痔 脑漏 偷粪鼠疮 跨马痢	436
诸虫	441

卷 之 八

调经	445
经闭	447
崩漏	455
胎前附恶阻 胎漏 胎动 胎不长 胎大 胎堕 半产 子烦 子悬 子肿 子嗽 子暗 子痛 子晕 子淋 遗溺 转胞 伤风 伤寒 孕疟 孕痢 伤暑 诸痛 孕痢 乳泣 腹啼 鬼胎 胎死 过期不产	463
临产	478
产后	483
乳症	495
热入血室	500
痲癖癥瘕诸积	502
带下	510
前阴诸疾	513
诸疮	517
瘰癧结核癭瘤马刀	524
梅疮结毒	530
疔毒	533
发背搭手附莲子发 蜂窝发 竟体疽	539
跋	543
重镬本跋	544

校点后记	544
------------	-----

卷 之 首

内 景 综 要

自天以气煦，地以形毓，生其间者，阳化气而阴成形。喉以通天和，咽以纳地气。喉前 咽后 受谷者浊，受气者清。清者注肺，浊者走胃。浊则为卫，清则为营。营阴卫阳，营行脉中，卫行脉外。阴阳相贯，如环无端。中气出上焦，营气出中焦，卫气出下焦，皆水谷之精悍，水谷之精气为营，水谷之悍气为卫。流布于藏腑者也。藏有五：心藏神，肺藏魄，肝藏魂，脾藏意，肾藏志也。腑有六：胆无出入，胃受水谷，大小肠主津液，膀胱三焦司气化也。五藏藏精不泻，满而不能实，故以守为补焉。六腑传化不藏，实而不能满，故以通为补焉。肺右降，肝左升，脾阴运，胃阳纳，膀胱司开，肾司阖。胃喜凉，肠喜热，胆喜温，心恶热，肺恶寒，肝恶风，肾恶燥，脾恶湿。知五藏之苦欲，而补泻殊。肝苦急，心苦缓，脾苦湿，肺苦气上逆，肾苦燥。肝欲散，心欲栗，脾欲缓，肺欲收，肾欲坚。审六腑之出入，而清浊别，由藏阴腑阳之不一其性也。五藏外加心包络即膻中 代心行令，与三焦相配，则十二藏腑具焉。其十二经之隶于各藏腑者，行有顺逆。手之三阴，手太阴肺，手少阴心，手厥阴心包。从藏走手；手之三阳，手太阳小肠，手少阳三焦，手阳明大肠。从手走头；足之三阳足太阳膀胱，足少阳胆，足阳明胃。从头走足；足之三阴，足太阴脾，足少阴肾，足厥阴肝。从足走腹。太阳与少阴为表里，少阳与厥阴为表里，阳明与太阴为表里，皆一藏一腑相配也。诸阳经会头面于上，诸阴经至胸颈而还。惟厥阴肝经上入额，连目系，上额，与督脉会于巅。其行身之后者，足太阳经也，主表。病主项痛脊强。行身之前者，足阳明经也，主表之里。病主身热目痛。行身之侧者，足少阳经也，主半表半里。病主胁痛耳聋，寒热往来。足厥阴为阴中之阳，病主烦满囊缩。足少阴为

阴中之阴，病主舌干口燥。足太阴为阴中之至阴，病主腹满喘干。皆主里。若夫奇经八脉，阴维由内踝而上，主身之里；阳维由外踝而上，主身之表，所以纲维周身之营卫也。阴维为病苦心痛，阳维为病苦寒热。阴跻起跟中，循内踝上行，主一身左右之阴；阳跻起跟中，循外踝上行，主一身左右之阳，所以统阴阳而行跻捷也。阴跻病阴急而足直，阳跻病阳急而狂奔。督起会阴，循背而行身之后，所以督率诸阳。督病脊强折厥 任起会阴，循腹而行身之前，所以担任诸阴。任病男疝女瘕。冲亦起会阴，夹脐而上行胸中，当诸气之冲要。盖一源而三歧，冲病逆气里急。带起季肋，横束于腰，为诸脉之总约。带病腹胀腰痛。八者无表里配合，故谓之奇经。经脉蓄溢则注奇脉，犹沟渠雨溢，旁流湖泽也。既有经脉，复有络脉。络凡十五，十二经各有一络，又阳跻阴跻二络，及脾之大络，凡十五。盖直行为经，横支为络，络之别为孙络，凡三百六十有五，初病在经，久病入络。所以行气血，通阴阳，以荣于身者也。且夫气主煦，血主濡。太阳膀胱经 常多血少气，少阴肾经 常少血多气，阳明胃经 常多血多气，太阴脾经 常多气少血，少阳胆经 常少血多气，厥阴肝经 常多血少气，其盈亏有如此者。气血所周，子时注胆，丑时注肝，寅时注肺，卯时注大肠，辰时注胃，巳时注脾，午时注心，未时注小肠，申时注膀胱，酉时注肾，戌时注心包，亥时注三焦，其迭更有如此者。血随气运，春气在经脉，夏气在孙络，长夏气在肌肉，秋气在皮肤，冬气在骨髓，其深浅有如此者。海有四，冲为血海，膻中为气海，脑为髓海，胃为水谷海。门有七，唇为飞门，齿为户门，会厌为吸门，胃上口为贲门，下口为幽门，小肠下口为阑门，大肠下为魄门。即肛门。窍有九，肺窍于鼻，脾窍于口，心窍于舌，肝窍于目，肾窍于耳，亦窍二阴。脊二十一椎，肺六叶，两耳 附脊第三椎，为华盖。心七孔，附脊第五椎，如莲蕊，外有包络，中通肺脾肝肾，心下有膈膜，周遮浊气。肝七叶，左三右四 附脊第九椎。胆三寸，居肝叶下，为清净府。脾象刀镰，与胃连膜。胃当脊第十一椎，分上中下脘以达肠，为太仓。肾两枚，附脊第十四椎下，中间命门真阳，为生身根蒂。

小肠连胃下口，前附脐，后近脊左回叠十六曲，以泌别清浊。大肠属小肠下口，当脐右回叠十六曲，达广肠，抵直肠，传浊出后阴。膀胱无上口，当脊第十九椎，化气渗水，以出前阴。细思交肠一症，知膀胱亦有上口而常闭，得三焦气化，水渗脬中而为溺耳。三焦相火，游行诸经，周身上下。上焦如雾，在胃上脘，主出阳气。中焦如沤，当胃中脘，蒸化精微。下焦如渫，当脐下，济泌别汁。此十二藏腑之象形部位，宜按图而审指者也。验于内，则诸气皆属于肺，诸血皆统于脾，诸脉皆应于心，诸筋皆隶于肝，诸髓皆司于肾，诸藏皆禀气于胃。验乎外，则肺主皮毛，脾主肌肉，肝主爪甲，胃主四肢，肾主五液，心为汗，肺为涕，肝为泪，脾为涎，肾为唾。心主舌色。一身所宝，惟精气神。神生于气，气生于精，精化气，气化神。故精者身之本，气者神之主，形者神之宅也。精者，神倚之如鱼得水，气依之如雾覆渊，故阴精所奉其人寿。言乎形，则头者阳之会，囟者髓之门，发者脑之华，庭者眉之宇，瞳者肾之精，明堂者色之应，口角者地之仓，龈者胃之络，齿者骨之余，会厌者音声之户，廉泉者津之道，舌者心之苗，咽者脉之聚，脾胃心肾肝小肠脉循咽挟咽。脉者营之居，玄府者汗之孔，胸中者阳气之郭，离宫者神之舍，募原者五藏之空，膈盲者上下之蔽，气街者经之隧，神阙者脐之宫，背者经之俞，十二经俞穴 脊者身之柱，膂者脊之辅，腋者肩之谷，肘者肢之节，臂者身之使，肩下臂上，内为臑，外为膊，节次为肘，肘下为臂，臂下为腕。关者腕骨之中，寸者关之前，尺者关之后，合谷者骨之歧，大次指陷中虎口穴。劳宫者掌之心，腰者精之府，命门者生之根，肾者胃之关，季肋者胆之部，宗筋者茎之系，睾丸者肾之外候，胞宫者任之内维，任主胞胎 尻者节之骶，节者骨之枢，股者髀之续，膝者筋之总，膕者膝之曲，腓者足之肚，踝者骨之突，跗者足之面，踇者足之跟，涌泉者足之心。此按部定名所可臚指者也。